


資治通鑑綱目

正編  
五下

內閣文庫			
番號	漢	1837	
冊數	107 ( 21 )		
函號	別	6	1









資治通鑑綱目卷之五

下冊

明 史官陳仁錫評閱

甲辰 四年春正月帝冠

**書法**

帝于是年十七矣終綱目書帝冠十有三詳惠帝四年莫長於昭帝莫幼

於宋主昱冠用正月歲首也先是惟惠帝書三月後此惟宋主昱書十一月

○丞相千秋卒

時政事一決於大將軍光千秋居丞相位謹厚自守而已

丞相不能其官則辭職為常如漢武之世流涕謝印綬可也



二月以王訢為丞相○夏五月孝文廟正殿火

主德

帝素服遣使作治

**考異**

按甘露元年書太宗廟火則此孝文二字當作

太宗

上及羣臣皆素服發中二千石將五校作治六日成

**集覽**

五校注見宣帝神爵元年

**書法**

先是書高園便殿火矣武帝建元六年後此書太上皇太宗廟火矣宣帝

甘露元年皆書素服不以作治書此其書作治何急宗廟也於是遣使作治六日而成可謂知所急矣故書是故昭帝急於宗廟則書遣使作治晉武慢於宗廟則書某

赦○遣使誘樓蘭王安歸殺之

年某月大康十年四月綱目之勸戒明矣

初樓蘭王死匈奴先聞之遣其質子安歸歸得立為王漢詔令入朝王辭不至復為匈奴反間數遮殺漢使駿馬監傳介子使大宛詔因令責樓蘭王王謝服介子還謂大將軍光曰樓蘭數反覆而不誅無所懲艾願往刺之以威示諸國大將軍白遣之介子齎金幣揚言以賜外國為名至樓蘭王貪漢物來見介子與坐飲醉謂曰天子使我私報王王起隨介子入帳中壯士二人從後刺之遂斬其首馳傳詣闕縣井闕下立其第在漢者尉屠耆



為王更名其國為鄯善為刻印章賜以宮女  
 為夫人備車騎輜重丞相率百官送至橫門  
 外祖而遣之王自請曰國中有伊循城其城  
 肥美願漢遣一將屯田積穀令臣得依其威  
 重於是漢遣吏士田伊循以填撫之封介子  
 為義陽侯司馬公曰王者之於戎狄叛則討  
 之服則舍之今樓蘭王既服其罪又從而誅  
 之後有叛者不可得而懷矣必以為有罪則  
 空陳師鞠旅明致其罰今乃以大漢之強而  
 為盜賊之謀於蠻夷不亦可羞哉論者或美  
 介子以為集覽安歸歸安歸質子之名也下  
 奇功過矣歸還也尉屠耆名也屠耆音  
 除祈橫門三輔黃圖云長安城北出西頭第  
 一門名曰橫門如淳曰橫音光伊循城漢書

循作修七制解伊修城在鄯善  
 國漢於其中置屯田吏士處實實樓蘭西  
 域國名

注見武帝元鼎二年鄯善傅介子非地義  
 渠人義陽縣名注見梁武帝太清二年

**書法** 淮南王布書誘誅之反者也樓蘭王  
 殺漢使者則其書誘殺何樓蘭之罪

既謝服矣以中國而行盜賊之計於蠻夷  
 以是為可醜也故書誘殺介子不書罪遣

者也書誘殺始此終綱目書誘殺十是年  
 獻帝建安二年劉備殺楊奉後主建興四

年吳呂岱殺士徽懷帝永嘉五年石勒殺  
 王彌宋庠申年蒙遜殺歆梁丙午年拔陵

殺胡琛陳甲申年周迪殺周敷隋煬帝大  
 業十三年李密殺翟讓唐玄宗開元八年



王峻殺僕固、五代己酉年郭從義殺趙思  
縮、書誘誅二、高帝十二年唐憲宗元和十

年四

**發明** 誘殺之事春秋深貶烏有堂堂大漢  
乃為盜賊之謀而可臣妾萬國哉書

遣使誘樓蘭王安  
歸殺之其惡甚矣

乙巳 五年夏大旱 ○發惡少年吏亡者屯遼東 ○

冬大雷 ○丞相訢卒

丙午 六年春正月築遼東玄菟城、

漢匈奴王 廷直代雲 中左方王 將直上谷 以往至歲 猶朝鮮今 薊遼也右 方王將直 上郡以西 接月支氏 羌今陝西 也弘治火 飾吉囊寇 陝嘉靖俺 寇宣大及 貢市開而 土蠻及三 衛寇遼左

**書法** 城不書必關要而後書故內城書京  
都外城書關塞書漢長安吳武昌代

盛樂平城涼姑臧燕龍城夏統萬齊建康  
吳越杭州孟知祥成都周大梁南唐金陵  
皆都城也苟都城雖外郭必書書漢受降  
玄菟吳濡須魏九城齊軹關唐應龍奉天

原州鹽州三城唐德勝晉  
澶州周李晏口皆關塞也

○夏赦 ○烏桓復犯塞遣范明友將兵擊之 ○

冬十一月以楊敞為丞相

**書法** 自五年書丞相訢卒于是丞相  
虛位者一年始書楊敞光專也

通鑑綱目 卷之五 漢昭皇帝元鳳六年 正編



**發明**

去冬書丞相訢卒，至今冬始書以楊敞為丞相，則是曠年虛揆度之位。其於國體從可知矣。爰自武帝增重加官，而丞相為具負，是以國之大事皆不與聞。如顧命廢立之類，觀之綱目所書，蓋可想見。君子安得不為之三歎也。

丁未

**元平**

元年春二月減口賦錢什三。

**集覽**

口賦錢漢

輕徭薄賦  
劍奴和親  
光之功也

騎馬

○有流星大如月，眾星皆隨西行。

**書法**

建元二年書有星如日矣，於是復書流星大如月，皆大異也。故通鑑不書。

綱目特書之，果驗月而國有大喪矣。書流星始此，終綱目書流星三，是年成帝元延元年，愍帝建元二年。

○夏四月帝崩，大將軍光承皇后詔迎昌邑王。

賀詣長安六月入即位，尊皇后曰皇太后。

漢武以後  
柄歸中朝  
政去二府  
中朝者大  
司馬大將  
軍侍中常  
侍散騎也  
外朝者丞  
相御史二  
千石九卿  
也，決事禁  
中，希見卿  
相，故光日  
驛肉衛衛  
而受遺光

帝崩無嗣，時武帝子獨有廣陵王胥，羣臣欲立之，胥本以行失道，先帝所不用。大將軍光不自安，郎有上書言周太王廢太伯，立王季，文王舍伯邑考，立武王，唯在所宜。雖廢長立少可也。廣陵王不可以承宗廟，光即日承皇。后詔迎昌邑王賀詣長安，郎賀昌邑哀王髆。



武不任三公以此蓋自霍光後不論何官但錄尚書事者即爲政府如石慶田千秋董居身似智而使權無所屬亦不忠之流也

之子素狂縱其人如動作無節武帝之喪游獵不止軍猶不知中尉王吉諫曰大王不好書術而樂逸游數以奕脆之玉體犯勤勞之煩毒非所以全壽命之宗也又非所以進仁義之隆也夫廣廈之下細旗之上明師居前勸誦在後上論唐虞之際下及殷周之盛考仁聖之風習治國之道訢訢焉發憤忘食日新厥德休則俛仰屈伸以利形專意積精以適神大王誠留意於此則心有堯舜之志體有喬松之壽福祿臻而社稷安矣皇帝仁聖至今思慕未怠於宮館園池弋獵之樂未有所幸大王宜夙夜念此以承聖意諸侯骨肉莫親大王於屬則子於位則臣一身而二任之責加焉恩愛行義熾介有不具者於以上聞非享國之福也

王乃下令曰中尉甚忠數輔吾過使賜牛肉酒脯而放縱自若郎中令龔遂忠厚剛毅有大節內諫爭王外責傳相引經義陳禍福至於涕泣蹇蹇亡已王嘗與騶奴宰人游戲無度遂入見王涕泣鄰行曰大王知膠西王所以亾乎王曰不知也曰臣聞膠西王有諛臣侯得王所爲儼於桀紂而得以爲堯舜王說其諛常與寢處唯得所言以至於今大王親近羣小漸漬邪惡存亾之機不可不慎臣請選郎通經有行義者與王起居坐則誦詩書立則習禮容宜有益王許之遂乃選郎中十人侍王數日皆逐去王嘗見大白犬頸以下似人冠方山冠以問遂遂曰此天戒言在側者盡冠狗也去之則存不去則亾矣又見



漢時藩王講讀猶能盡職

大熊左右莫見以問遂遂曰山埜之獸來入宮室宮室將空危亾象也王仰天歎曰不祥何為數來遂叩頭曰臣不敢隱忠數言危亡之戒大王不說夫國之存亡豈在臣言哉願王內自揆度大王誦詩三百五篇人事浹王道備王之所行中詩一篇何等也大王位為諸侯王行汗於庶人以存難以亡易宜深察之王終不改及徵書至夜漏未盡一刻以火發書日中發晡時至定陶行百三十五里從者馬死相望王吉奏書戒王曰臣聞高宗諒闇三年不言今大王以喪徵宜日夜哭泣悲哀而已慎無有所發大將軍仁愛勇智忠信之德天下莫不聞願大王事之敬之政事一聽之大王垂拱南面而已王到霸上犬鴻臚

郊迎騶奉乘輿車王使遂參乘至廣明東都門遂曰禮葬喪望見國都哭此長安東郭門也王曰我豎痛不能哭至城門遂復言王曰城門與郭門等耳且至未央宮東闕遂曰昌邑帳在是大王宜下車鄉闕西面伏哭盡哀止王曰諾到哭如儀六月受璽綬襲尊號

集覽

太王廢太伯立王季太王古公亶父也長子曰太伯次曰虞仲少曰季歷季歷

生子名昌有聖瑞太伯知古公意欲立季歷以傳昌二人乃亡如荆蠻以讓季歷是為王季後遂傳昌是為文王文王舍伯邑考立武王記檀弓文鄭氏注文王之立武王權也孔子家語曰周制立孫王肅注伯邑考文王長子言文王亦立子而不立孫也博音博哀王



之名訢訢古欣字喬松之壽王喬赤松子皆古仙人也楚辭遠遊篇聞赤松之清塵兮願承風乎遺則又曰吾將從王喬而娛戲晦庵集注按列仙傳赤松子神農時爲雨師服水玉教神農能入火自燒至崑山上常止西王母石室隨風雨上下炎帝少女追之亦得仙俱去王喬周靈王太子晉也喬好吹笙作鳳鳴遇浮丘公接之仙去又楚辭惜逝篇曰赤松王喬皆在旁哀時命篇曰與赤松而結友兮比王喬而爲耦纖介喻事細微也纖與纖同介通作芥蹇蹇亡已亡已不止也蹇蹇注見安帝建光元年蹇諤儼於儼音擬比也記儼人必於其倫方山冠其制前高七寸後高三寸長八寸以五采穀爲之樂人所服盡冠

狗言皆是狗而冠者中詩一篇何等中去聲當也言王所行於三百五篇之詩當中那一篇與何篇可等比日中發日午時啓行晡時晡奔謨反日加申高宗諒闇商書說命王宅憂亮陰三祀注盤庚第小乙子名武丁德高可尊故踰高宗亮一作諒陰古作闇蔡氏傳曰按喪服四制云書曰高宗諒闇三年不言鄭玄注諒古作梁楣謂之梁闇讀如鷦鷯之鷦闇謂廬也即倚廬之廬儀禮剪屏柱楣鄭氏謂柱楣所謂梁闇是也宅憂亮陰言居喪於梁闇也先儒以亮陰爲信默不言則於諒闇三年不言爲語復而不可解矣隘痛隘伊昔反咽嗑也爾雅質實廣陵國名注見後主江東呼咽爲隘建興二年王吉瑯琊



臯虞人龔遂山陽人

**書法**

賀善贊曰昭帝初元即遣使問民疾苦繼書賑貸種食又書所貸勿收除今年租又書令勿出馬又書問民疾苦又書罷權酷官又書減口賦錢然後虛耗之民始有生意昭帝於是可謂善繼矣光亦賢相矣哉○承皇后詔何不以專立君累光也兩漢之世書迎書立者十書承皇后詔惟光而已詳呂氏辛酉年

葬平陵

**質實**

一統志云平陵在西安府咸陽縣東北一十三里

○昌邑

王有罪大將軍光率群臣奏太后廢之

直君如奕棋

贊頌

昌邑王淫戲無度昌邑官屬皆徵至長安超擢拜官龔遂諫請逐之不聽太僕丞張敞亦上書曰天子以盛年初即位天下莫不拭目傾耳觀化聽風國輔大臣未衰而昌邑小輩先遷此過之大者也又不聽大將軍光憂懣以問故吏大司農田延年延年曰將軍為國柱石審此人不可何不建白太后更選賢而立之光曰今欲如是於古嘗有此不延年曰伊尹相殷廢太甲以安宗廟後世稱其忠將軍若能行此亦漢之伊尹也光乃引延年給事中陰與張安世圖計王出遊光祿大夫夏侯勝當乘輿前諫曰天久陰而不雨臣下有謀上者陛下出欲何之王怒縛勝屬吏光讓安世以為泄語安世實不言乃召問勝勝對



漢重博士  
博士之選  
三科高第  
爲尚書次  
及制史其  
不遺政事  
者補諸侯  
太傅國有  
大政必及  
博士

言在鴻範傳。光安世大驚。以此益重經術士。既定議。召丞相御史將軍列侯中二千石大夫博士會議。未央宮。光曰。昌邑王行昏亂。恐危社稷。如何。羣臣皆驚愕失色。莫敢發言。延年離席按劍曰。先帝屬將軍以幼孤。寄將軍以天下。以將軍忠賢能安劉氏也。今羣下鬻沸。社稷將傾。且漢之傳謚。常爲孝者。以長有天下。令宗廟血食也。如漢家絕祀。將軍雖死何面目見先帝於地下乎。今日之議。不得旋踵。羣臣後應者。臣請劔斬之。光謝曰。九卿責光是也。於是議者皆叩頭曰。唯大將軍令。光即與羣臣俱見白太后。太后乃幸未央承明殿。詔諸禁門毋內昌邑羣臣。安世將羽林騎收縛二百餘人。皆送廷尉。詔獄。光敕左右謹

宿衛。卒有物故自裁。令我負天下。有殺主名。太后盛服坐武帳中。侍御數百人。皆持兵。期門武士陛戟陳列殿下。羣臣以次上殿。召昌邑王伏前聽詔。尚書令讀奏曰。丞相臣敞等昧死言。孝昭皇帝早棄天下。遣使徵昌邑王。典喪服。斬衰無悲哀之心。廢禮諡。居道上。不素食。使從官略女子。載衣車內。所居傳舍。受璽。大行前。就次發璽。不封。從官更持節。引內昌邑。騶宰官奴。與居禁闥內。教戲。發樂府樂器。擊鼓歌吹。作俳倡。召內泰壹宗廟樂人。悉奏衆樂。與孝昭皇帝宮人蒙等淫亂。太后曰。王爲人臣子。當悖亂如是邪。王離席伏。尚書令復讀曰。祖宗廟祠未舉。爲璽書使使者持節。以三太牢祠昌邑。哀王園廟。稱嗣子皇帝。



受璽以來二十七日使者劾午持節詔諸官署徵發凡一千一百二十七事荒淫迷惑失帝王禮誼亂漢制度臣敞等數進諫不變更日以益甚恐危社稷天下不安臣敞等謹與博士議皆曰五辟之屬莫大不孝宗廟重於君王不可以承天序奉祖宗廟子萬姓當廢臣請有司以一太牢具告祠高廟皇太后詔曰可光令王起拜受詔脫其璽組奉上太后扶王下殿出金馬門就乘輿副車光送至邸謝曰王行自絕於天臣寧負王不敢負社稷願王自愛涕泣而去羣臣奏請徙王賀房陵詔歸賀昌邑賜湯沐邑二千戶國除為山陽郡昌邑羣臣坐在國時不舉奏王罪過令漢朝不聞知又不能輔道陷王大惡皆下獄誅

已甚

大將軍不自過而以誅殺加藩臣此謂不學無術

殺二百餘人唯中尉吉郎中令遂得減死髡為城旦師王式繫獄當死使者責曰師何以無諫書式對曰臣以詩三百五篇朝夕授王至於忠臣孝子之篇未嘗不為王反復誦之也至於危亡失道之君未嘗不流涕為王深陳之也臣以三百五篇諫是以無諫書亦得減死論光以太后省政宜知經術白令夏侯勝用尚書授太后遷勝長信少府鴻範傳鴻與洪通凡書非正經者謂之傳其傳曰皇之不極厥罰常陰時則下人有伐上者惡察察言故云臣下有謀劉原父曰傳本云下人伐上而勝自以不欲分明道之故改云臣下有謀上者漢之傳謚常為孝者謂漢家相傳謚號皆加一孝字其所以然者以下

集覽



文所云也。不得旋踵。旋回轉也。踵足跟也。謂不得會議者去。九卿百官表漢以太常光祿勳衛尉太僕廷尉大鴻臚宗正司農少府爲九卿。後魏以來卿名雖仍舊而所蒞之局謂之寺。因曰九寺。見白太后。見形旬反白奏也。見太后而奏之。毋內。毋禁止之辭。內讀曰納。卒有物故自裁。卒倉沒反急遽也。物故死也。裁度也。恐昌邑王忽自裁而死。殺主。殺讀與弑同。斬衰。衰亦作縗。倉回反喪衣也。杜預曰衰在胸前衣長六寸博四寸直心衣裳皆用極麗生麻布旁及下際皆不緝故名斬衰。其服三年苴杖用竹。居道上。初被徵在路上時受璽大行前。史記李斯傳大行未發。注行如字。人主之喪曰大行。風俗通曰天子新崩未

有定謚。故總其名曰大行皇帝。如淳曰大行不反之辭也。李善文選注周書曰謚者行之迹。是以大行受大名。細行受細名。行音下孟反。就次發璽。發開封也。次謂喪次。注見晉元帝建武元年出次。俳倡。俳諧戲也。倡女樂也。漢書詼笑類俳倡。秦壹。注見武帝元光二年太一。蒙宮人名。使者芻午。索隱曰凡物交橫爲旁午。故劉向傳注。蜂午。雜沓也。顏師古曰謂使者分布也。按唐書白居易傳論問旁午。注云旁去聲。五辟。辟刑也。音闕。墨劓。荆宮大辟。是謂五刑。墨謂刻其額而涅之。劓謂割其鼻。荆謂鬻去膝蓋骨宮。謂淫刑。男子割勢。婦人幽閉。大辟謂處死也。層組。璽。注見周赧王四十一年組。注見漢王劉邦元年。金馬門。注



見武帝元光五年王行行胡孟反言迹也湯沐邑注見高帝十二年髡為城旦注見秦始皇三十四年黥為城旦白令屬下句建白於太后然後令勝受尚書長信少府長信皇后宮名少府職掌其宮本名長信詹事景帝更名長信少府平帝更名長樂少府

**正誤**

自裁今按裁猶引決謂自殺也韻書裁割也殺主今按言殺者常詞究其義乃為弑耳如

字讀亦通使者旁午今按旁如字

**質實**

夏侯勝魯國人房陵縣名注見獻帝建安

二十四年王式東平新桃人

**發明**

賀已正尊位而猶書昌邑王者不予其帝也夫廢立非國家之得已以光

之忠赤故武帝拳拳於托孤觀其擁昭立宣則光之大節可知然惜其不先審昌邑之為人率然立之况其狂縱素著漢朝豈無一人知其所為必至於不可奉宗廟乃始廢之哉此則光不學無術不能知人之過爾綱目儻不書昌邑有罪則光之心何

秋七月迎武帝曾孫病已入即位尊皇太后曰

太皇太后

**考證**

尊皇太后曰太皇太后九字誤書當去之○謹按漢書昭帝始

元四年立皇后上官氏元平元年昭帝崩霍光請皇后徵昌邑王賀受皇帝璽綬尊皇后曰皇



太后已而昌邑王無道光率羣臣奏太后廢之迎宣帝入即位皇太后歸長樂宮黃龍元年元帝即位尊為太皇太后建昭二年閏六月崩此上官后之始末也今提要因通鑑舊文誤書尊皇太后曰太皇太后於病已入即位之下宣帝實未嘗尊之當依漢書去此九字以黃龍元年元帝尊之為正

初衛太子納史良娣生子進號史皇孫皇孫納王夫人生子病已號皇曾孫生數月遭巫蠱事太子男女妻妾皆受害獨皇曾孫在亦坐收繫郡邸獄故廷尉監丙吉受詔治獄心知太子無事實重哀皇曾孫無辜擇謹厚女徒胡組郭徵卿令乳養日再省視望氣者言

賢能

主德

長安獄中有天子氣武帝遣使者分條中都官詔獄繫者無輕重一切皆殺之夜到郡邸獄吉閉門不納曰他人無辜死者猶不可况親曾孫乎使者不得入還以聞武帝亦寤曰天使之也因赦天下吉聞史良娣有母貞君及兄恭乃載皇曾孫付之後有詔掖庭養視上屬籍宗正時掖庭令張賀嘗事衛太子思顧舊恩哀曾孫奉養甚謹欲以女孫妻之賀弟安世為右將軍輔政怒曰曾孫乃衛太子後也勿復言予女事時暴室嗇夫許廣漢有女賀以家財聘之曾孫因依倚廣漢兄弟及史氏受詩於東海復中翁高材好學然亦喜游俠鬪鷄走馬上下諸陵周徧三輔以是具知閭里姦邪吏治得失及是吉奏記光曰今

通鑑綱目

卷之五

漢昭皇帝元平元年

三

正編



能

立曾孫名  
甚正延年  
一爭似多

社稷宗廟羣生之命。在將軍之一舉。竊伏聽  
於衆庶。其所言諸侯宗室在列位者。未有所  
聞也。而武帝曾孫名病已。在掖庭外家者。今  
十八九矣。通經術。有美材。行安而節和。願將  
軍詳大義。參以著龜。先使入侍。令天下昭然  
知之。然後決定大策。天下幸甚。七月。光會丞  
相以下議定所立。遂上奏曰。孝武皇帝曾孫  
病已。年十八。師授詩論語。孝經。躬行節儉。慈  
仁愛人。可以嗣孝昭皇帝後。承祖宗。子萬姓。  
皇太后詔曰。可。光遣宗正德迎曾孫就齋宗  
正府。明日入未央宮。見太后。封為陽武侯。羣  
臣奏上璽綬。即皇帝位。謁高廟。侍御史嚴延  
年劾奏大將軍光擅廢立主。無人臣  
禮。不道。奏雖寢。然朝廷肅然敬憚之。

集覽

良

太子之妃有三等。曰妃。曰良娣。曰孺子。史皇  
孫以外家姓稱之。曰史病已。已止也。夙遭屯  
難而多病苦。故名病已。欲速差也。後改名詢。  
分條中都官詔獄。中都官。京師諸官府也。漢  
儀注云。長安中諸官獄三十六所。非一人所  
能治。故分使疏錄之。上屬籍宗正。上是掌反  
進也。上宗屬之籍於宗正也。宗正掌序錄王  
國嫡庶之次。及宗室親屬名籍。掖庭令。職掌  
後宮貴人采女事。暴室。嗇夫。漢官儀曰。暴室。  
主宮中婦人疾病者。其皇后貴人有罪。亦就  
此室。顏師古曰。暴室掖庭。主織作練染之署  
也。取暴曬為名耳。或作薄室。按薄亦暴也。今  
俗語亦云薄曬。蓋暴室職務既多。因以置獄。  
主治罪人。故徃徃云暴室獄耳。然本非獄名。



其屬官有嗇夫一人以闈宦為之亦猶鄉縣之嗇夫也復中翁姓復名中翁東海人也復方目反中讀曰仲游俠荀悅曰立氣勢作威福結私交以立彊于世者謂之游俠索隱曰謂輕死重氣如荆軻豫讓之輩游從也行也俠挾也持也言能相從游行挾輔之事也又任俠注見武帝元朔二年著龜著音尸蒿屬史記龜策傳太史公曰王者決定諸疑參之卜筮斷以著龜不易之道也余至江南觀其行事問其長老云龜千歲乃遊蓮葉之上著百莖共一根又傳曰上有禱著下有神龜聞著生滿百莖者其下必有神龜守之其上常有青雲覆之

**質實** 丙吉魯國人張賀杜陵人禱古稠字安世兄宗正德劉德楚元

王交之後為宗正令故云東海郡名注見秦二世二年陽武縣名注見秦始皇二十九年

**書法**

賀既書即位矣書昌邑王何不君也故以太后令廢主者多矣不書董卓

惟霍光以奏太后書其書之何不以專廢君累光也是故不以專廢君累光則特書奏太后不以專立君累光則特書承皇后詔然則曾孫之立不書承太后詔其許光以專立歟上書光率羣臣奏太后矣不再書光則蒙上文而已

**發明**

昌邑之立書光承太后詔其廢也書光率羣臣奏太后至宣帝之立則直

書迎入即位而不書奏太后何哉蓋昌邑有不君之罪既立之而又廢之儻不上承



太后之命，則光為專輒不臣矣。至宣帝，則足以奉承宗廟，故不嫌於直書迎立也。夫光以不學武人，而所立若此，綱目書之名，正言順，不特見光有托孤之節，而武帝知人之明，亦為不可及矣。

### 赦○丞相敞卒以蔡義為丞相

義以明經給事大將軍幕府，昭帝召見說詩，擢光祿大夫，數歲為丞相，年八十餘，貌似老嫗。議者謂光置宰相，用可專制者，光曰：以為人主師，當為宰相，何謂云云。  
**集覽** 何謂云云，何故。  
**質實** 蔡義，溫人。  
如此說。

### 冬十一月立皇后許氏

國無重臣故也

公卿議立皇后，皆心擬霍將軍女，亦未有言上乃詔求微時故劍。大臣知指白立許倢伃為皇后，霍光以后父廣漢刑人，不宜君國，歲餘乃封為昌成君。胡氏曰：宣帝側微，已娶許氏，既登大寶，則天下母也。公卿乃舍之而心屬光女，不逆理乎？光雖未言，而意欲其然也。以其不封許廣漢，則知其愠許后之立矣。妻顯邪謀，蓋肇於此。此霍氏之所以覆宗也。歟。  
**集覽** 知指，知求故劍意。廣漢刑人，許廣漢乃天刑之人也。記曲禮曰：刑人不在君側。注為怨恨為害也。王制曰：古者公家不畜刑人，大夫弗養，士遇之塗，弗與言也。屏之四方。



唯其所之不及以政示弗故生也公羊傳襄  
二十九年君子不近刑人近刑人則輕死之  
道也注云刑人不自賴也疏云猶言不自重  
似若世人名輕賤之物云非可賴也又注見  
桓帝延熹九年天刑之人側微側陋微賤時  
妻顯邪謀霍光之妻名顯事在宣帝本始三  
年至地節四年事覺伏誅

**書法**

義見立皇后張氏惠帝五年

### 太皇太后歸長樂宮初置屯衛

**書法**

歸者何順辭也太后遷辭二太后遷歸某宮者順辭也遷太后于某宮者

逆辭也終綱目書太后徙某宮二晉穆帝  
升平元年崇德褚氏唐文宗開成五年積  
慶蕭氏書太后遷某宮一後周辛亥年漢  
太后書太后歸某宮一、是年上官氏書太  
后居某宮一、唐憲宗元和十  
五年興慶郭氏皆順辭也

### 戊申 中宗孝宣皇帝本始元年春大將軍光請歸

### 政不受

詔有司論定策安宗廟功大將軍光等皆益  
封光稽首歸政上謙讓不受諸事皆先關白  
光然後奏御自昭帝時光子禹及兄孫雲皆  
為中郎將山奉車都尉侍中領胡越兵兩女



壻為東西宮衛尉昆弟諸壻外孫皆奉朝請為諸曹大夫騎都尉給事中黨親連體根據於朝廷及昌邑王廢光之權益重每朝見上虛已歛容禮下之已甚

**書法**

書請何光為恭也歸則歸耳何請為自是六年無聞焉光之心可知矣故

書請

譏之

夏四月地震○鳳凰集膠東赦勿收田租賦

**實**

膠東國名注見景帝三年

**書法**

光嘗祠鳳凰矣今而鳳凰集則光意也自是而書鳳凰者又五焉何帝世

雖非出于至誠然亦恤民之意

之多鳳凰哉至為之赦亦誣矣綱目書免天下今年田租四詳昭帝始元二年此以鳳凰集故則非出于恤農矣

追謚戾太子戾夫人悼考悼后置園邑

子漏園

詔曰故皇太子在湖未有號謚歲時祠其謚置園邑有司奏禮為人後者為之子也故降其父母不得祭尊祖之義也陛下為孝昭皇帝後承祖宗之祀親謚宜曰悼母曰悼后故皇太子謚曰戾史良

**質實**

湖縣名注見武帝征和二年

通鑑綱目

漢宣皇帝本始元年

正編

正編



**書法** 於是詔議故皇太子謚有司請謚太子曰戾史良娣曰戾夫人漢初公議猶凜凜也。自帝始尊私親其初猶曰考曰后而已。未幾而尊曰皇考焉。自是以後無不皇者矣。哀之共皇。桓之孝穆皇。孝崇皇。靈之孝元皇。孝仁皇。帝啓之也。

主德 隄  
**召黃霸為廷尉正。**

霍光既誅上官桀，遂以刑法痛繩羣下，由是俗吏皆尚嚴酷，而河南丞黃霸獨用寬和為名。上在民間時，知百姓苦吏急也，聞霸持法平，乃召以為廷尉正。數決疑獄，庭中稱平。

**集覽** 痛繩羣下，痛切也。繩治也。如繩約物，然不使跌宕也。羣下即百司庶府。廷尉正

政急則吏急

正長官也。庭中稱平，七制解庭中庭尉之中也。稱平稱美其持法輕重適中。

**質實**

河南郡名。注見秦莊襄王元年三川黃霸陽夏人。

**書法** 武帝之世，廷尉書張湯杜周譏也。至帝始書黃霸于定國地節元年帝亦

可謂能恤刑矣。

巳酉 **二年春大司農田延年有罪自殺。**

昭帝之喪，大司農儻民車，延年詐增儻直，盜取錢三千萬為怨家所告。御史大夫田廣明謂杜延年曰：春秋之義，以功覆過。當廢昌邑王時，非田子賓之言，大事不成。今縣官出三



千萬自乞之。何哉。願以愚言白大將軍。延年言之。光曰。誠然。實勇士也。當發大議時。震動朝廷。因自撫心曰。使我至今病悸。謝田大夫曉大司農。通往就獄。得公議之。廣明使人語延年。延年曰。幸寬我耳。何

**集覽**

子賓田延年表字乞之乞

音氣與也

**質實**

田延年陽陵人田廣明鄭人

### 夏尊孝武皇帝廟為世宗所幸郡國皆立廟

詔曰。孝武皇帝躬仁義。厲威武。功德茂盛。而廟樂未稱。朕甚悼焉。其與列侯二千石博士議。於是羣臣皆曰。宜如詔書。夏侯勝獨曰。武帝雖有攘四夷廣土境之功。然多殺士眾。竭

教

興獄

民財力。奢泰無度。天下虛耗。至今未復。無德澤於民。不宐為立廟樂。公卿共難勝曰。此詔書也。勝曰。詔書不可用也。人臣之諫。宐直言正論。非苟阿意順指。議已出口。雖死不悔。於是丞相御史劾奏勝非議詔書。毀先帝不道。及丞相長史黃霸阿縱勝。不舉劾。俱下獄。有司遂請尊武帝廟為世宗廟。奏盛德文始五行之舞。巡狩所幸郡國皆立廟。勝霸既久。繫霸欲從勝。受尚書。勝辭以罪死。霸曰。朝聞道夕死可矣。勝賢其言。遂授之。繫再更冬。講論不道為句。盛德文始五行之舞。禮樂怠。高祖廟奏武德文始五行之舞。武德舞。高祖作象武以除亂。文始舞。本舜韶舞。高祖更名文始。以示不相襲。五行舞。本周舞。

**集覽**

不道為句盛德文始五行之舞禮樂怠志高祖廟奏武德文始五行之舞武



秦更名五行，孝景采武德為昭德，以尊太宗廟。孝宣采韶德為盛德，以尊世宗廟。其武德舞，舞人執干戚，文始舞，執羽籥，五行舞，冠冕服，法五行色。

秋遣將軍田廣明等將兵及較尉常惠護烏孫

兵

擊匈奴。

初，烏孫公主死，漢復以楚王戊之孫解憂為公主，妻岑陁。岑陁胡婦子泥靡尚小，岑陁且死，以國與季父大祿子翁歸靡。曰：泥靡大，以國歸之。翁歸靡立，號肥王。復尚楚主，生元貴。靡、公主及昆彌皆上書言：匈奴復連發大兵，侵擊烏孫，欲隔絕漢。昆彌願發兵五萬，盡力

公主昆彌上書而後舉也與兵非浪

擊匈奴。唯天子出兵救之。先是，匈奴數侵漢邊，漢亦欲討之。秋，大發兵，遣廣明等五將軍

十六萬騎，分道並出，以常惠為較尉，持節護烏孫兵，共擊匈奴。

以江都王建女細質實常惠太子男為公主，嫁烏孫。

**書法** 書烏孫兵可矣，必書曰：常惠護何，不以烏孫敵漢將也。綱目之修，內外之

分而已矣。

庚戌三年春正月，大將軍光妻顯弒皇后許氏。**考**

**異** 按篡賊例，曰以毒弒者，加進毒字，而不地。注曰：霍顯又加使醫字，此條妻顯下漏使醫進

漢宣皇帝本始三年 正編



毒四  
字

時霍光夫人顯欲貴其小女成君，道無從。會許氏當娠，病，女醫淳于衍者，霍氏所愛，嘗入宮侍疾。顯謂衍曰：將軍素愛成君，欲奇貴之。今皇后當免身，若投毒藥去之，成君即為皇后矣。如蒙力，事成，富貴共之。衍即搗附子，齋入長定宮。皇后免身後，衍取附子，并合太醫大丸以飲。皇后有頃，曰：我頭岑岑也。藥中得無有毒？對曰：無有。遂加煩懣，崩。後有人上書告諸醫侍疾無狀者，皆收繫詔獄。顯恐急，即具語光曰：既失計為之，無令吏急。衍光大驚，欲自發舉，不忍奏上。光署衍勿論。顯因勸光內其女入宮。胡氏曰：顯弑天下之母，而光不

發覺，則是與聞乎弑矣。欲免於禍，得乎哉？史稱沈靜詳審，乃至於此，富貴生不仁，可不戒哉。

**集覽** 道無從為句，道與導通引也。從猶言由也。免身按漢書身多作娠。太醫大

丸，太醫少府屬官也。丸即所謂圓子。今澤蘭丸之類，不忍奏上，不忍猶言不敢。

**正誤**

道無從，今按道猶路也。從由也。言無由得貴其女，猶張敞云其路無由也。欲自發舉，不忍奏上，今按當於忍字句絕。霍光恐妻得罪，不忍發其弑逆之事，於是獄吏奏上，光命勿論淳于衍，恐辭及其妻也。

**書法** 書大將軍光妻何與聞乎弑也。光既聞之，不忍發舉，則是與聞乎弑矣。終



綱目后書弑者三、宣帝許后、獻帝伏后、元魏于后、弑而書殺二、晉惠帝賈后、唐武宗

張后

**發明**

霍顯邪謀行於幽闇之中其端甚微其惡甚大然光初不聞其事今直書

大將軍光妻若與聞之者何哉光始焉不知後乃知之儻能即時討賊發其事而正

其罪然後屏躬待命猶或可以自免既知而不發則是真與聞矣求免大惡之累得

乎直筆書之非過貶也

葬恭哀皇后於杜陵南園

**質實**

一統志云杜陵在西安府城東

南一十五里樂游源

**書法**

西漢后不書葬此書葬何不合葬也故地之書南園於是通鑑不書綱目

特書之凡葬書地譏也葬非其地書地補非其人書地名非其名書地宣許后書杜

陵南園桓梁后書懿陵唐郭太后書景陵之側非其地也漢哀傳太后書渭陵唐武

氏書乾陵非其人也漢和梁太后書西陵桓匱氏書博陵非其名也皆妾母稱陵終

綱目后葬書地者七是年哀帝元壽元年和帝永元九年桓帝元嘉二年延熹二年

唐中宗神龍二年宣帝大中二年皆譏也



○夏五月田廣明有罪下吏自殺封常惠為長

羅侯

匈奴聞漢兵大出，奔遠遁。五月，軍罷，田順不至期，詐增鹵獲。廣明知虜在前，逗遛不進，皆下吏自殺。烏孫昆彌自將五萬騎，與常惠從西方入，獲名王騎將以下四萬級，馬牛羊驢七十餘萬頭。封惠為長羅侯。於是匈奴遂衰耗，單于自將數萬騎擊烏孫，會天大雨雪，一日深丈餘，人畜凍死，還者不能什一。於是丁令乘弱攻其北，烏桓入其東，烏孫擊其西，所殺數萬級，重以餓死，人民什三。畜產什五，諸國羈屬者皆瓦解。攻盜不能理，滋欲鄉和親。

交 兵

而邊境少事矣。

**集覽**

不至期詐增鹵獲，詐一本作許。刊誤：逗遛，逗大透反，遛力救反。

漢書音義曰：逗遛，曲行避敵也。漢法兵行而逗遛，畏懦者斬。丁令，即丁靈，注見武帝天漢元年。烏桓，其先東胡也。續漢書曰：漢初，匈奴冒頓破東胡，其餘眾退保烏桓山，因為號焉。其俗無常居，男女悉髡頭為輕便。滋欲鄉和親，滋益也。鄉，讀曰嚮。舊漢書滋作茲。**正**

**田**順不至期詐增鹵獲，今按當於期字句絕。言田順不至所期之遠也。初遣五將軍擊匈奴，期以出塞各二千餘里。田順八百餘里，即止兵不進，故云。**質實** 一統志云：長羅，漢之縣名，屬陳留郡。武帝封常惠為長羅侯，即此。東漢初省之，故城在大名府長垣。



縣西南三十里

大旱○六月丞相義卒以韋賢為丞相魏相為

御史大夫質實韋賢魯國騶人○以趙廣漢為京兆尹

初廣漢為潁川太守潁川俗豪桀相朋黨廣漢為鉅筭受吏民投書使相告訐於是更相怨咎姦黨散落盜賊不得發由是入為京兆尹廣漢遇吏殷勤甚備事推功善歸之於下咸願為用僮仆無所避廣漢皆知其能之所宜盡力與否其或負者輒收捕之無所逃按之罪立具尤善為鉤距以得事情閭里銖兩之姦皆知之其發姦摘伏如神京兆政清長

進進能

老傳以為自漢興集覽鉅筭音項同鉅若今治京兆者莫能及

入不可出筭斷竹也如今官受密事筭也或鉅或筭皆為此制而用受書鉤距廣漢本傳曰鉤距者設欲知馬價則先問狗已問羊又問牛然後及馬參伍其價以類相準則知馬之貴賤不失實矣晉灼曰鉤致距閉也使對者無疑若不問而自知衆莫覺所由以閉其術為鉤距也毛氏曰鉤距如釣釣之有距吞之則順吐之則逆使人入其術中而不能出以鉤索其隱情也發姦摘伏顏師古曰發謂動發之也姦宄也摘挑伏隱也謂為姦而隱匿者必為摘發之質實趙廣漢蠡吾人潁川郡名注見靈帝中平二年

通鑑綱目 漢宣皇帝本始三年 正編



辛亥四年春三月立大將軍光女為皇后赦

初許后起微賤登至尊日淺從官車服甚節儉及霍后立舉駕侍從益盛賞賜官屬以千萬計與許后時大縣絕矣

**書法** 立后書氏恒也書大將軍女何權所在也而許后之所以弒益著矣故權

在於光則以大將軍光女書權在於莽則以安漢公莽女書平帝元始二年終綱目立后書某女者二而已

天象

夏四月地震山崩二郡壞祖宗廟帝素服避殿

有此盛舉

詔問經學及舉賢良方正之士

胡氏曰地者妻道也臣道也宜靜而動陰盛而反常也然不能終動與天同也不過為妻道不得而臣道不寧之象耳是時郡國四十九同日地震山崩二郡壞祖宗廟蓋霍氏專權又弒許后而立其女以至咎徵著見如此而不知戒宣帝詔問經學舉賢良亦無敢端言其所以然者使宣帝恐懼祇戒以象類推求而有以善處之則霍氏異日之禍亦無由而成矣

**書法** 於是郡國四十九同日地震山崩二郡壞祖宗廟大異也其為霍氏陰盛



之證明矣。而經學賢良之對無及之者何哉。終綱目書地震一百一。而書求言者纔八。是年地節三年元帝初元二年成帝建始三年順帝陽嘉二年再書桓帝建和元年元嘉元年世主之以變為玩者多矣。綱目之書地震自隋書天下地震之外未有。大於此者也。終綱目宗廟書壞三。是年唐玄宗開元五年五代壬子年蜀。  
**發明** 去春書霍顯弒后。今書立光女為后。蓋近在閱月之間。其為霍氏明矣。夫地為妻道宜靜而震至於壞祖宗廟者不可以主祀之證也。綱目據事直書雖不明其證而證則在其中矣。

### 以夏侯勝為諫大夫黃霸為揚州刺史。

漢法漏泄禁中語者罪至死勝言非是

上以地震釋勝霸而用之。勝為人質樸守正。簡易無威儀。或時謂上為君。誤相字於前。上亦以是親信之。嘗見出道上語。上聞而讓勝。勝曰。陛下所言善。臣故揚之。堯言布於天下。至今見誦。臣以為可傳。故傳耳。朝廷每有大議。上謂曰。先生建正言。無懲前事。復為長信少府。遷太子太傅。年九十卒。太。后素服五日。以報師傅之恩。  
**集覽** 誤相字。去聲。誤道君字為相字於宣帝之前。出道上語。嘗朝見而出外。以主上之語道與人。  
**正** 誤相字於前。今按顏師古注。君前臣名不當相呼字於君前也。



通鑑綱目

卷之五

五

**書法**

自初置刺史武帝元封五年至是三十七年書黃霸

五月鳳凰集北海

**質實**

北海郡名注見桓帝延熹三年

壬地節元年春有星孛于西方○冬十二月晦

日食○以于定國為廷尉

**質實**

于定國東海鄉人

定國為廷尉乃迎師學春秋備弟子禮為人謙恭雖卑賤皆與鈞禮其決獄平法務在哀鰥寡罪疑從輕加審慎之心朝廷稱之曰張釋之為廷尉天下無冤民于定國為廷尉民自以**集覽**鈞禮無不冤貴賤之別

學進

癸丑二年春三月以霍禹為右將軍大司馬大將

軍博陸侯霍光卒

大將軍光病車駕自臨問為之涕泣光上書謝恩願分國邑封兄孫山為列侯即日拜光子禹為右將軍光薨謚曰宣成賜葬具如乘輿制度置園邑三百家長丞奉守復其後世疇其爵邑世世無有所與胡氏且惟名與器不可以假人人臣而用天子之禮是宣帝過賜而霍氏受之非也卒生禹雲山等僭亂之心宣帝亦有以啓之歟**集覽**疇其爵邑張晏曰律非始封十減二疇等也言不復減其爵也邑謂食品若干戶顏師古曰家業世

通鑑綱目

卷之五

漢宣皇帝地節二年

五

正編



世相傳為疇無有所與與音預  
復除其賦役世世無所干預

進

夏四月以張安世為大司馬車騎將軍領尚書

事

魏相上封事曰聖王褒有德以懷萬方顯有  
功以勸百寮是以朝廷尊榮今新失大將軍  
宜顯明功臣以填藩國毋空大位以塞爭權  
車騎將軍安世忠信謹厚國家重臣也宜尊  
其位上亦欲用之安世深辭不能得  
乃拜大司馬車騎將軍領尚書事

鳳凰集魯大赦

**質實**

魯國名注見光  
武建武五年

**書法**

於是三書鳳凰再為之赦  
而加大焉帝之自欺甚矣

○以霍山為奉車都尉領尚書事御史大夫魏

進

相給事中

上思報大將軍德乃封光兄孫山為樂平侯  
使以奉車都尉領尚書事魏相因許廣漢奏  
封事言春秋譏世卿惡宋三世為大夫及魯  
季孫之專權皆危亂國家自後元以來祿去  
王室政由冢宰今光死子復為右將軍兄子  
秉樞機昆弟諸壻據權執在兵官夫人顯及  
諸女皆通籍長信宮或夜詔門出入驕奢放  
縱恐寔不制宜有以損奪其權破散陰謀以



固萬世之基。全功臣之世。又故事。諸上書者皆為二封署。其一曰副。領尚書者先發副封。所言不善。屏去不奏。相復因許伯白去副封。以防壅蔽。帝善之。詔相給事中。皆從其議。帝與于閭閻。知民事之艱難。霍光既薨。始親政事。厲精為治。五日一聽事。自丞相已下。各奉職。奏事。敷奏其言。考試功能。侍中尚書。功勞當遷。及有異善。厚加賞賜。至于子孫。終不改易。樞機周密。品式備具。上下相安。莫有苟且之意。及拜刺史守相。輒親見問。觀其所由。退而考察所行。以質其言。有名實不相應。必知其所以然。常稱曰。庶民所以安其田里而亡歎息愁恨之心者。政平訟理也。與我共此者。其惟良二千石乎。以為太守。吏民之本。數變

易。則下不安。民知其將久。不可欺罔。乃服從其教化。故二千石有治理效。輒以璽書勉厲。增秩賜金。或爵至關內侯。公卿缺。則選諸所表。以次用之。是故漢世良吏。於是為盛。稱中

典 **集覽**

魏相因許廣漢奏封事言為句漢舊儀密奏卓囊封板故曰封事魏相奏

封事不能自達。因廣漢以進。譏世卿公羊傳。隱三年尹氏卒。尹氏者何。天子之大夫也。其稱尹氏何。譏世卿。世卿非禮也。注世卿者。父死子繼也。貶去名者。氏者起其世也。若曰世世尹氏也。禮公卿大夫士。皆選賢而用之。不當世為其秉政。父必奪君之威權。惡宋三世為大夫。公羊傳。僖二十五年。宋殺其大夫。何以不名。宋三世無大夫。三世內娶也。注三世



謂慈父。主臣處曰也。內娶大夫女也。言無大夫者。禮不臣妻之父母。國內皆臣。無娶道宋以內娶。故公族以弱。妃黨益彊。卒生篡弒。故君子疾惡之。魯季孫之專權。季孫行父魯公子季友之孫。是為文子。文子子季孫宿。是為武子。武子孫季孫意如是。為平子。專魯之權。卒逐昭公。通籍。顏師古曰。籍者。為三尺竹牒。記其年紀。名字。物色。縣之宮門。禁省相應。乃通出入。相復。因許伯白去副封。許伯。即許廣漢。按七制。解伯名。廣漢魏相。先嘗因許伯奏封事。今又因以建白上前。而除去副本。至于子孫。貢父曰。謂賞賜逮及子孫耳。非謂侍中尚書。至子孫不改易。良二千石。良循良也。二千石。謂郡守諸侯王相。漢官儀云。二千石俸

月百二十斛。又有真二千石。月百五十斛。如淳曰。律二千石俸。月萬六千。真二千石。月二萬。案是三萬斛。則是真二千石也。選諸所表。選用嘗蒙增秩。賜金進爵。所旌表者。實一統志云。長信宮在西安府咸陽縣境。渭水南。史記秦始皇初居長安宮。即此。樂平縣名。注見晉懷帝永嘉二年。

**書法** 特筆也。自相給事中。而幾事皆得以燕見言之矣。故劉章入宿衛。而呂氏之柄分。魏相給事中。而霍氏之權失。綱目皆特書之。

匈奴壺衍鞬單于死弟虛閭權渠單于立



時漢以匈奴不能為寇罷塞外諸城以休百姓單于喜謀欲和親

三年春三月賜膠東相王成爵關內侯

詔曰膠東相王成勞來不怠流民自占八萬餘口治有異等之效其賜成爵關內侯秩中

二千石後詔問郡國上計長史守丞以政令得失或對言前膠東相成偽自增加以蒙顯

賞是後俗吏集覽流民自占占去聲韻會載多為虛名云隱度戶口來附本業曰自

占漢書注自隱度口數而著名籍也秩中二千石索隱曰中滿也漢制九卿已上秩一歲

滿二千斛漢官儀云中二千石俸月百八十斛崔浩云中二千石亦不滿二千蓋千八九

鳥之鳳皇人之王成

進

百耳郡國上計長史守丞劉貢父曰郡使守丞國使長史皆一名也故總言郡國上計長史守丞後百官志諸侯王相如太守長史如郡丞又邊郡有丞有長史長史上計無疑矣長史者通于令丞尉之稱與守丞連言之說不可不爾顏師古曰凡郡國皆掌治民常以春行所主縣勸民農桑賑救乏絕秋冬遣無害吏案訊諸囚論課殿最歲盡遣詣京師上計上計者奉上戶口錢穀之數也周禮小司徒歲終則令郡吏致事注致事上其計簿也上時掌反楚辭大招篇發政獻行禁苛暴文公集注獻行令百官上其行治如周禮令羣吏致事漢法令郡國上計



夏四月立子奭為皇太子

霍顯聞立太子，怒不食，曰：「此乃民間時子，安得立？」即后有子，反為王邪？復教后毒太子，數召賜食，保阿輒先嘗之。后挾毒不得行。

**集覽**

保阿，保護阿倚太子之人。

退

五月丞相賢致仕

賢以老病乞骸骨，賜黃金安車駟馬，罷就第。丞相致仕自賢始。

**書法**

書致仕何，予知止也。武帝之世，宰相往往誅死，賢首致仕，可謂過人遠矣。故綱目喜書之。書致仕始此，終綱目書致仕二十三，是年韋賢和帝永元十三年呂

其功何減丙吉

主德

六月以魏相為丞相丙吉為御史大夫

而書請致仕者一杜佑書以致仕者四。楊復、秦韋昭、度、周玄豹、宋齊丘。

蓋晉成帝咸康四年，顏含，宋壬辰年，何尚之，梁己酉年，魏楊椿，唐高宗咸亨元年，劉仁軌，許敬宗，弘道元年，李義琰，中宗嗣聖四年，韋思謙，二十一年，朱敬則，神龍二年，唐休璟，李懷遠，女宗開元二十一年，宋璟，德宗貞元二十一年，韓全義，憲宗元和二年，杜佑，武宗會昌三年，仇士良，昭宗大順二年，楊復、秦乾寧元年，鄭縻，二年，韋昭度，昭宣帝天祐四年，蘇循，五代丁亥年，唐周玄豹，辛卯年，吳宋齊丘，戊戌年，晉范延光。

通鑑綱目

漢宣皇帝地節三年

正編

正編



**發明** 韋賢老而謝事，足見保全大臣之意。其視武帝世，非戮辱不去者，大有逕庭。至於丙魏輔政，並書干冊，則帝之用人，又可觀矣。

以疏廣為太子太傅，兄子受為少傅。**考異** 兄上漏廣

字以上漏圈字

太子外祖父平恩侯許伯，以為太子少，白使其弟中郎將舜監護太子家。上以問廣，廣對曰：「太子國儲副君，師友必於天下英俊，不宜獨親外家。且太子官屬已備，復使舜護太子家，示陋，非所以廣太子德於天下也。上善其言，以語魏相，相免冠謝曰：「此非臣等所能及。」

學

進

矯弊

廣中是見器重。**集覽** 示陋為句言示天下以淺陋也。**質實** 一統志云：縣名屬廣平國，東漢廢之，故城在廣平府曲周縣平恩鎮。疏廣，東海蘭陵人。

大雨雹以蕭望之為謁者。**質實** 蕭望之，東海蘭陵人。

京師大雨雹，大行丞蕭望之，上疏言：「陛下思政求賢，堯舜之用心也。然而善祥未臻，陰陽不和，是大臣任政，一姓專權之所致也。附枝大者賊本心，私家盛者公室危。惟陛下躬萬機，選同姓，舉賢才，以為腹心，與參政謀，明陳其職，以考功能，則庶事理矣。上素聞望之名，拜為謁者。時上博延賢俊，多上書言便宜，輒下望之問狀。高者請丞相御史，次者中二千



石試事滿歲以狀聞下者報聞罷所白處奏皆可

**集覽**

高者請丞相御史次者中

二千石試事滿歲以狀聞仲馮曰此共是一條不當中斷其文高者令丞相御史試事次者令中二千石試事歲滿則各以狀聞奏也下者報聞罷本作下者報聞或罷歸田里所白處奏所白

**書法**

書雨雹多矣未有書大者書大雨雹如此終綱目書雨雹二十四詳景帝

二年而書大者四是年新莽已巳年靈帝中平二年獻帝初平四年

秋九月地震詔求直言省京師屯兵罷郡國宮

主德

館假貸貧民

詔曰乃者地震朕甚懼焉有能箴朕過失以匡不逮毋諱有司朕既不德不能附遠是以邊境屯戍未息今復飭兵重屯久勞百姓非所以綏天下也其罷車騎右將軍屯兵池籩未御幸者假與貧民郡國宮館勿復修治流民還歸者假公田貸種食且勿算事

**覽**

池籩池者陂池也籩者禁苑也且勿算事高帝初為算賦民年十五至五十六出賦

錢人一算女子年十五至三十不嫁者五算如淳曰百二十為一算唯賈人與奴婢倍算今且勿算事者不令出算賦不給徭役也

皇極圖

卷之三

漢宣皇帝地節三年

正編

正編



**書法**

書美之也。綱目書地震一百一，而書求言者纔八，帝居其二焉。本始四年

是年帝可謂遇災而懼者矣。書求直言始此，終綱目書求直言五，是年順帝陽嘉二

年梁丙戊年魏唐中宗神龍元年石晉戊戌年書求言一，梁己未年魏書開言路一

後唐乙未年書詔言事四，靈帝建寧二年未晉元帝大興二年齊己未年齊主戊辰年

魏主書詔極言三，明帝永平八年唐太宗貞觀十一年五代乙卯年周世宗書詔陳

過失二，成帝河平元年唐太宗貞觀十一年善詔上封事一，五代辛亥年周太祖

以張安世為衛將軍諸軍皆屬以霍禹為大司

馬罷其屯兵

霍氏驕侈縱橫，大夫人顯僭擬淫放，帝自在

民間，聞知霍氏尊盛日久，內不能善，既親政

魏相給事中，數燕見言事，平恩侯與侍中金

安上等，徑出入省中，吏民奏封事不關尚書

羣臣進見，獨往來，于是霍氏甚惡之，上頗聞

霍氏毒殺許后而未察，乃徙光女壻未央衛

尉范明友，中郎將羽林監任勝，長樂衛尉鄧

廣漢，為他官，更以張安世為衛將軍，兩宮衛

尉城門北軍兵屬焉，以霍禹為大司馬，冠小

冠，亡印綬，罷其屯兵官屬，特使禹官名與光

俱，大司馬者，諸領胡越騎羽林及兩宮衛

將屯兵，悉易以所親信許史子弟代之。

**集**



覽城門北軍城門較尉掌京師城門屯兵有司馬十二城門候中壘較尉掌北軍壘門

內尉一人主上書者獄上章於公車有不如法者付北軍尉治之胡越騎胡騎較尉掌池陽胡騎越騎較尉掌越騎如淳曰胡人越人內附以爲騎兵也

書法特筆也而霍氏之權盡收矣故書罷其屯兵而霍氏之誅決矣書解其領

軍而元義之誅決矣齊乙巳年皆特筆也

### 冬十二月置廷尉平

初孝武之世徵發煩數百姓貧耗窮民犯法姦軌不勝於是使張湯趙禹之屬條定法令

作見知故縱監臨部主之法緩深故之罪急縱出之誅其後姦猾巧法轉相比况禁罔寢密律令煩苛文書盈於几閣典者不能徧睹是以郡國承用者或罪同而論異姦吏因緣爲市所欲活則傅生議所欲陷則予死比議者咸冤傷之上在閭閻知其若此會廷尉史路温舒上書曰臣聞秦有十失其一尚存治獄之吏是也夫獄者天下之大命也死者不可復生絕者不可復屬書曰與其殺不辜寧失不經今治獄吏則不然上下相毆以刻爲明深者獲公名平者多後患故治獄之吏皆欲人死非憎人也自安之道在人之死是以人血流離刑徒比肩大辟之計歲以萬數此仁聖之所傷也太平之未洽凡以此也夫人



情安則樂生，痛則思死，捶楚之下，何求而不得？故囚人不勝痛，則飾辭以示之；吏治者利其然，則指導以明之。上奏畏卻，則鍛鍊而周內之；蓋奏當之成，雖臯陶聽之，猶以為死有餘辜。何則？成練者衆，文致之罪明也。故俗語曰：畫地為獄，議不入刻木為吏，期不對。此皆疾吏之風，悲痛之辭也。唯陛下省法制，寬刑罰，則太平之風可興於世。上善其言，詔以廷史任輕祿薄，置廷尉平秩六百石，負四人，每季秋後請讞。時上常幸宣室，齋居而決事，獄刑號為平矣。涿郡太守鄭昌上疏言：明主躬垂明聽，雖不置廷平，獄將自正。若開後嗣，不若刪定律令，律令一定，愚民知所忌，姦吏無所弄矣。今不正其本而置廷平，以理其末，政

平德

衰聽怠，則廷平將招權而為魁首矣。

**集覽**

見知故縱監臨部主之法。顏師古曰：人有

犯法，或見或知而不舉告，為故縱，而所監臨部主亦有罪，并連坐也。緩深故之罪，時武帝欲急刑吏深害，及故入人罪者，皆寬緩之。比况，比例也。况譬擬也。記王制篇疑獄比以成之注已行故事曰：比比音必，利反。郡國承用者，漢書作郡國承用者駁。姦吏因緣為市，姦詐之吏，旁緣弄法受財，若市賈交易。傅生議顏師古曰：傳讀曰附，予死比與歾例相比。况也。秦有十失：一蓋文學，二好武勇，三賤仁義，四貴獄吏，五罪誹謗，六禁妖言，七盛服先王，不用於世，八忠良切言皆鬱於胃，九喜虛譽，十蒙實禍。上下相毆，毆與驅同上，而朝廷下



而郡縣上而官長下而僚屬皆相毆迫以苛刻從事深者獲公名深文者得奉公之名稱平者多後患持法平者厥後反多患害大辟之計大辟死刑計算數也鍛鍊而周內之內讀曰納吏之內人於罪中猶工冶陶鑄鍛鍊成孰也秦當之成崔浩曰當處其罪也按奏當所應郡國讞疑獄皆處當以報之文致之罪以文法致人於罪謂之文致嚴延年傳文致不可得反注致至密也言其文案整齊反音幡畫地為獄議不入指畫地為獄戶雖知非真獄人且擬議而不願入也刻木為吏期不對雕刻木偶為吏人雖識非真吏且期望而不對也路溫舒傳注期猶必也廷尉平漢書注平音病平其不平也季秋後請讞讞魚

列反議罪也用季秋正誤比况今按比當作議臯順時殺之氣也質實路溫舒也必二切乃比及之比質實鉅鹿人

備邊

侍郎鄭吉擊車師破之因田其地質實鄭吉會稽人

車師王與匈奴結婚教匈奴遮漢道侍郎鄭吉將免刑罪人田渠犂發諸國兵與所將田士合萬餘人共擊車師破之車師王請降吉等歸渠犂車師王犇烏孫匈奴更以王昆弟兜莫為王收其餘民東徙而吉集覽田渠犂使吏卒往田車師地以實之渠犂即支渠犂西域國在輪臺東今屯田於此



**書法**

此屯田之端也。至神爵而後始書屯田。

乙卯四年春二月賜外祖母號為博平君 **質實** 一統

志云博平漢之縣名屬東郡晉屬平原國隋初屬毛州改屬博州大業初屬清河郡唐屬博州貞觀初省入聊城天授初復置宋景祐間徙治東南三十里寬河鎮即今治金元仍舊本朝因之改屬東昌府

上初即位數遣使求外家至是得王媪及其男無故武賞賜巨萬皆封列侯 **集覽**

無故武名也。即王媪之男。

**書法**

推恩外祖母始此自是新野君安帝太后母之屬皆不書書其始而已終

綱目書外氏號三博平新野唐魯國夫人其二因卒見之

安民

詔有大父母父母喪者勿由。

詔曰百姓遭凶而由使不得葬傷孝子之心自今勿由使得送終盡其子道

**書法**

書志仁政也通鑑不書綱目特書之

夏五月山陽濟陰雨雹殺人 **質實** 山陽郡名注見成帝河平

二年濟陰郡名注見光武建武八年



雷大如鷄子，深二尺五寸。

**書法**

書用雷多矣，未有書殺人者。雷至殺人，為異大矣。綱目書雷二十四，書殺

人，一而已。

詔自今子匿父母妻匿夫孫匿大父母皆勿治。

教

詔曰：父子夫婦，天性也。雖有患禍，猶蒙死而存之，誠愛結於心，豈能違之。自今子匿父母妻匿夫孫匿大父母皆勿坐。首匿言為謀首而藏匿，舉人也。

妻匿夫孫匿大父母皆勿坐。

**集覽**

蒙死，蒙冒也。子匿父母，本紀作子首匿父母注。

**書法**

厚人倫也。故書美之，終綱目恤刑之政，書勿坐二，是年元康四年皆帝之

仁政也。

秋七月霍氏謀反伏誅夷其族皇后霍氏廢

霍顯及禹山雲自見日侵削，數相對啼泣，自怨。山曰：今丞相用事，縣官信之，盡變易大將軍時法令，發揚大將軍過失。又諸儒生多竄人子，遠客飢寒，喜妄說狂言，不避忌諱。大將軍常讐之。今陛下好與儒生語，人人自書對事，多言我家者。又聞民間讜言，霍氏毒殺許后，寧有是邪。顯恐急，即具以實告。禹山雲驚曰：縣官斥逐諸壻，用是故也。此大事，誅罰不



小奈何於是始有邪謀矣雲舅李竟坐與諸侯王交通辭語及霍氏有詔雲山不宐宿衛免就第山陽太守張敞上封事曰臣聞季友有功於魯趙衰有功於晉田完有功於齊皆疇其庸延及子孫終後田氏篡齊趙氏分晉季氏顛魯故仲尼作春秋迹盛衰譏世卿最甚乃者大將軍決大計安宗廟海內之命斷於掌握方其盛時感動天地侵迫陰陽朝臣宐有明言曰輔臣顛政貴戚大盛君臣之分不明請罷霍氏三侯就第明詔以恩不聽羣臣以義固爭而後許之天下必以陛下為不忘功德而朝臣為知禮霍氏世世無所患若今朝廷不聞直聲而令明詔自親其文非策之得者也今兩侯已出人情不相遠以臣心

霍有大罪  
天理豈容  
之

度之火司馬及其枝屬必有畏懼之心夫近臣自危非完計也臣敞願於廣朝白發其端直守遠郡其路無由唯陛下省察上甚善其計然不召也禹山等謀令太后為博平君置酒召丞相平恩侯以下使范明友鄧廣漢承太后制引斬之因廢天子而立禹事覺七月雲山明友自殺禹要斬顯及諸女昆弟皆棄市與霍氏相連坐誅滅者數十家皇后霍氏廢處昭臺宮封告者皆為列侯初霍氏奢侈茂陵徐生曰霍氏必亡夫奢則不遜不遜必侮上侮上者逆道也霍氏秉權日久天下害之而又行以逆道不亡何待乃上疏言霍氏忝盛陛下即愛厚之宜以時抑制無使至亡書三上輒報聞至是人為徐生上書曰臣聞



客有過主人者，見其竈直突，傍有積薪。客謂主人：「更爲曲突，遠徙其薪，不者且有火患。」主人不應。俄而失火，鄰里共救之，幸而得息。於是殺牛置酒，謝其鄰人。灼爛者坐於上行，餘各以功次坐，而不錄言曲突者。人謂主人曰：「鄉使聽客之言，不費牛酒，終亡火患。今論功而請賓，曲突徙薪無恩澤，焦頭爛額爲上客，邪？」主人乃寤而請之。今茂陵徐福，數上書言霍氏且有變，宜防絕之。鄉使福說得行，則國無裂土出爵之費，臣無逆亂誅滅之敗。往事旣已，而福獨不蒙其功，唯陛下察之。上乃賜福帛十匹，以爲郎。帝初立，謁見太廟，大將軍光驂乘，上嚴憚之。若有芒刺在背後，張安世代光驂乘，上從容肆體，甚安近焉。故俗傳霍

氏之禍，萌於驂乘。後十二歲，霍后復徙雲林館，乃自殺。班固曰：霍光受襁褓之託，擁昭立宣，雖周公阿衡，何以加此！然不學亡術，闇於大理，陰妻邪謀，立女爲后，湛溺盈溢之欲，以增顛覆之禍。死纔三年，宗族誅夷，哀哉！司馬公曰：霍光久專大柄，不知避去，多置親黨，充塞朝廷，使人主蓄憤於上，吏民積怨於下，切齒側目，待時而發，其得免於身，幸矣！况子孫以驕侈趣之哉！雖然，勳使孝宣專以祿秩賞賜，富其子孫，使之食大縣，奉朝請，亦足以報盛德矣。乃復任之以政，授之以兵，及加裁奪，遂生邪謀，豈徒霍氏之自禍哉！亦孝宣醞釀以成之也。夫以顯禹雲山之罪，雖應夷滅，而光之忠勳，不可不祀，遂使家無噍類，孝宣亦



少恩集覽寡人子寡郡羽反又音慮貧無禮

哉季子故稱季友有功於魯為上卿至文子

武子世增其業後平子顓魯權卒逐昭公趙

衰晉獻公時事公子重耳重耳出奔趙衰從

後重耳反國是為文公衰為原大夫任國政

文公所以反國及霸多衰之計策也後趙敬

侯卒分晉國田完田敬仲完世家陳完陳厲

公佗之子也後奔齊以陳字為田氏完卒蓋

敬仲八世之後卒有齊國疇其庸疇等也言

功臣子孫襲封與先人等也周禮民功曰庸

國家為民立官故有功於民者曰庸廣朝句

絕謂大朝會時博平君宣帝外祖母王媪輒

報聞為句輒止也止於報聞而不見施行入

為徐生人謂當時有人也為去聲助也徐生

即徐福竈直突突者竈窻也更為曲突更改

也曲則不直而火勢慢不者為句不俯九反

猶言否則也灼爛者坐於上行行戶郎反列

集覽

謀無噍類噍齧也如淳曰

正誤

臣敞願於廣朝白發其端



今按十字通為一句書三上輒報聞今按毛  
晃韻輒每事即然也此義近之不可訓止人  
為徐生上書今按毛晃增韻為

**質實**

山陽郡名注見

亦訓與此義近之不必訓助  
成帝河平二年茂陵縣名注見武帝建元二  
年周公注見秦昭襄王五十二年阿衡注見  
宋順帝昇平元年伊尹傳其言

**書法**

賊未有不書主名者此其書曰霍氏  
何衆辭也是故霍氏舉族皆反則書

氏爾朱舉族可誅則書氏梁辛亥年於是  
雲山自殺耳皆以伏誅書謀上也故后亦  
以自廢為文謀反書  
氏終綱目一而已

主德

九月詔減天下鹽賈令郡國歲上繫囚掠笞瘦

死者以課殿最

**集覽**

瘦歠瘦音愈漢律囚以飢  
寒而死曰瘦課殿最注見

武帝元鼎  
四年課殿

**書法**

帝於是可謂仁矣特書美之白帝有  
此令至齊而制立病囚診治之法庚

申年皆良法也綱目於恤刑之  
政書惠囚者二是年庚申年

**發明**

帝自親政以來所用之人已有可觀  
至於設施之間前此蓋嘗求直言省

屯兵罷宮館貸貧民矣至是又詔減天下  
鹽賈嚴瘦歠之禁留意政事若此欲不中



進

典得乎詳而書之其美著矣

○以朱邑為大司農

邑少為桐鄉嗇夫廉平不苟以愛利為行未嘗笞辱人存問孤老吏民愛敬之遷北海太守以治行第一入為大司農醇厚篤於故舊公正不可交以私身為列卿居處儉節祿賜以共族黨家無餘財及卒天子下詔稱揚賜其子金百斤以奉祀

**集覽**

桐鄉嗇夫

桐鄉即皖城古舒州也今安慶府是王介甫封舒國公詩云當時我自愛桐鄉又詩云行問嗇夫多不記嗇夫注見文帝三年以愛利為行愛利謂愛人而愛利也行言迹也

**正**

進

**誤**以愛利為行今按謂以愛人利物為事也

**質實**

朱邑舒人桐鄉即古舒郡注見

獻帝建安四年皖城北海郡名注見桓帝延熹三年

○以龔遂為水衡都尉

先是渤海歲飢盜賊並起上選能治者丞相御史舉龔遂拜渤海太守召見問何以治盜賊對曰海瀕遐遠不需聖化其民困於飢寒而吏不恤故使陛下赤子盜弄陛下之兵於潢池中耳今欲使臣勝之邪將安之也上曰選用賢良固欲安之也遂曰臣聞治亂民猶治亂繩不可急也唯緩之然後可治臣願丞相御史且無拘臣以文法得一切便宜從事

安民



上許焉。加賜黃金贈遣。乘傳至渤海界。郡發兵以迎。遂皆遣還。移書敕屬縣。罷逐捕吏。諸持田器者。皆為良民。吏毋得問。持兵者。乃為賊。遂單車至府。盜賊聞。遂教令。即時解散。棄其兵弩。而持鉤鉏。於是悉平。民安土樂業。遂乃開倉廩。假貧民。選用良吏。慰安牧養焉。齊俗奢侈。好末技。不田作。遂躬率以儉約。勸民務農桑。各以口率。種樹畜養。民有帶持刀劍者。使賣劍買牛。賣刀買犢。曰。何為帶牛佩犢。勞來循行。郡中皆有畜積。獄訟止息。至是入為水衡。都尉。

**集覽**

陛下赤子盜弄陛下之兵於潢池。潢池者。潢汗行潦之水池也。言如小兒戲弄兵器於潢池之中。平之亦難也。唐宣宗時。鷄山羣盜起。詔討之。崔鉉曰。

此皆陛下赤子。迫於飢寒。盜弄兵於谿谷間。不足辱大軍也。亦倣此說。

**質實**

渤海

郡名。注見獻帝建安八年南皮。

丙辰

**元康**

元年春正月初作杜陵

**質實**

杜陵注見元帝初元

元年

**書法**

書初何。緩辭也。恭哀后之葬南園久矣。於是始作治焉。是故宣帝即位十

年。始作杜陵。則書初。世祖即位二十五年。始作壽陵。則書初。明帝即位十五年。始作

壽陵。則書初。



○三月赦

以鳳凰集  
甘露降也

夏五月追尊悼考為皇考立寢廟

有司復言悼園宜稱尊號曰皇考於是立廟  
范鎮曰宣帝於昭帝為孫則稱其父為皇考  
可也然議者終不以為是者以其以小宗而  
合太宗之統也程子曰為人後者謂其所後  
者為父母而謂其所生者為伯叔父母此天  
地之大義生人之大倫不可得而變易者也  
然所生之義至尊至大雖當專意於正統豈  
得盡絕於私恩是以先王制禮既明大義降

其服以正統緒然不以正統之親疏而皆為  
齊衰不杖朞以別之則所以明其至重而與  
諸伯叔父不同也宣帝稱其所生為皇考亂  
倫失禮固已甚矣而後之議禮者又不能推  
所生之至恩以明尊崇之正禮乃欲奉以高  
官大國但如朞親尊屬故事則亦非至當之  
論也要當揆量事體別立殊稱若曰皇伯叔  
父某國大王而使其子孫襲爵奉祀則於大  
統無嫌貳之失而在所生亦極尊崇之道矣  
然禮謂為人後者為其父母云者猶以父母  
稱之何也曰既為人後則所生之父母者今  
為伯叔父母矣然直曰伯叔父母則無以別  
於諸伯叔父母而見其為所生之父母故其  
立文不得不爾非謂既為人後而猶得以父



母名其所生

**集覽**

齊衰齊音咨衰倉回反杜預曰衰在曾前衣長六寸

博四寸其服三年齊緝也衣裳冠制竝如斬衰但用次等屨生布緹緝其旁及下際皆齊者曰齊衰不杖暮杖暮不杖暮服制與齊衰同但用又次等屨生布記問喪篇杖者何也曰為父苴杖苴杖竹也為母削杖削杖桐也杖者以何為也曰孝子喪親哭泣無數身病體羸以杖扶病也則父在不敢杖矣以尊者有故也

殺京兆尹趙廣漢

趙廣漢好用世吏子孫新進年少者專厲強壯蠶氣見事風生無所回避率多果敢之計

莫為持難以私怨論殺男子榮畜人上書言之事下丞相御史按驗廣漢疑丞相夫人殺侍婢欲以脇丞相乃將吏卒入丞相府召其夫人跪庭下受辭收奴婢十餘人去丞相上書自陳事下廷尉治不如廣漢言上惡之下廣漢廷尉吏民守闕號泣者數萬人竟坐要斬廣漢廉明威制豪彊小民得職百姓追思歌之

**集覽**

蠶氣蠶讀如鋒言鋒銳之

避也回如字讀榮畜姓名守闕守去聲請也

**正誤**

專厲強壯蠶氣今按字既作蠶

亦必兼取蠶義蓋所用諸年少行事猝暴如蠶之羣飛螫人銳氣不可禦也守闕今按守



如字，謂守待而不去也。

**書法** 書殺何甚帝也。周官八議，議貴議能。若廣漢延壽，可謂能矣。雖有非，豈足以死哉？故綱目甚之。書殺。

以死哉。故綱目甚之。書殺。

退  
**貶少府宋疇為泗水太保**  
**質實** 泗州郡名。注見唐昭宗景福元年。

年泗  
疇議鳳凰下彭城，未至京師，不足美，故貶。

**書法** 自少府貶耳，何以書？予疇也。先是書鳳凰集三，未有議之者。於是鳳凰下

**質實** 彭城縣名。注見秦始皇二十八年。

彭城疇獨非之，可謂特立之士矣。綱目於鳳凰下彭城不書，書貶疇，予其議也。

以蕭望之為平原太守，復徵入守少府。  
**質實** 平原

郡名。注見秦始皇三十七年。

上選博士諫官通政事者，補郡國守相，以諫大夫蕭望之為平原太守。望之上疏曰：陛下

哀愍百姓，出諫官以補郡吏，然朝無諍臣，則不知過。所謂憂其未而忘其本者也。上乃徵

望之入守少府。

以尹翁歸為右扶風。

此任相一法



翁歸爲人，公廉明察，爲東海太守，過辭廷尉于定國。定國欲託邑子與翁歸，語終日，不敢見。曰：此賢將，汝不任事也。又不可干以私。郡中吏民賢不肖，及姦邪罪名，盡知之。縣各有記籍，自聽其政，有急名，則少緩之。吏民小解，輒披籍取人，必於秋冬課吏大會中，及出行縣，不以無事時，其有所取也，以一警百。吏民皆服，改行自新，以治郡高第，入爲扶風。選用廉平，以爲右職，接待以禮，好惡同之。其負翁歸罰，亦必行，緩於小弱，急於豪彊，課常爲二。輔最，其在公卿間，清潔自守，語不及私。然溫良謙退，不以行能驕人，故尤得名譽。

**覽** 欲託邑子定國家在東海郡，邑子謂同邑之子也。欲以屬託翁歸用之，不敢見見形。

**集**

能

莎車叛，衛候馮奉世矯發諸國兵擊破之，以奉

世爲光祿大夫。

**質實**

莎車國名，注見武帝元狩四年。

上令羣臣舉可使西域者，前將軍韓增舉馮奉世，以衛候使持節送諸國客，至伊循城，會故莎車王弟呼屠徵，與旁國共殺其王萬年，及漢使者自立，揚言北道諸國已屬匈奴，於

甸反，不敢令邑子出見翁歸。此賢指翁歸也。翁歸旣去，定國乃謂邑子云：入爲扶風，入內地作扶風郡太守。右職，漢法地道尊右，故高職曰右職。

**正誤** 邑子，今按此但謂同邑之人。

**質實** 尹翁歸，平陽人。



兵

亦一見

通鑑綱目 卷之五

是攻劫南道，歃盟畔漢，從善鄴以西，皆絕不通。奉世計以為不亟擊之，則莎車日彊，其執難制，必危西域。遂以節諭告諸國，發其兵，進擊莎車，攻拔其城。莎車王自殺，傳首長安。更立他昆弟子為王。諸國悉平。奉世以聞，帝召見韓增曰：「賀將軍所舉得其人。」議封奉世、丞相將軍皆以為可。獨蕭望之以為奉世奉使有旨，而擅矯制發兵，雖有功效，不可以為後法。即封奉世，開後奉使。使者利要功，萬里之外，為國家生事於夷狄，漸不可長，乃以為光祿大夫。[集覽] 萬年莎車王名歃盟，注見[質實] 馮奉世上黨潞人。又下流今屬平山，出泉餘聞，其地亦

**書法**

矯制雖討，叛必書矯，示民有君也。綱目之修，君臣之分而已矣。

**發明**

莎車書叛，不為無罪。奉世破之，不為無功。然矯之一字，終不可得而免也。

權其輕重而公其書法，則功罪見矣。

丁巳二年春正月赦。○二月立婕妤王氏為皇后。

上欲立皇后，懲艾霍氏欲害皇太子，乃選後宮無子而謹慎者，立長陵王婕妤為皇后。令母養太子。

夏五月詔二千石察其官屬治獄不平者，郡國

漢宣皇帝元康二年 正編



安民

被疾疫者毋出今年租

**考異**

提要無其字漢書詔文亦無其字

詔曰獄者萬民之命能使生者不怨死者不恨則可謂文吏矣今則不然用法或持巧心析律貳端深淺不平增辭飾非以成其罪奏不如實上亡由知二千石各察官屬勿用此人吏或擅興徭役飾厨傳稱過使客越職踰法以取名譽譬猶踐薄冰以待白日豈不殆哉天下被疾疫之災其令被災甚者毋出今年租賦可謂文吏文此則無愧於奉法矣析律記王制曰析言破律注巧賣法令者也飾厨傳稱過使客厨謂飲食傳謂館舍裝飾之以稱愜經過使客之意

**書法**

綱目書疫十五而書救災之政者二

是年元帝初元元年世主之恤民者寡矣終綱目書州郡除田租者四是年殤帝延平元年桓帝延熹元年辛未年魏主熹境內災傷量蠲者二唐太宗貞觀元年憲宗元和七年

帝更名詢

詔曰聞古天子之名難知而易諱也其更諱詢

匈奴擾車師田者詔鄭吉還屯渠犂

匈奴大臣皆以為車師地肥美使漢得之多田積穀必害人國不可不爭數遣兵擊車師

通鑑綱目

漢宣皇帝元康二年

正編

正編



田者鄭吉將渠犂田卒救之為匈奴所圍吉  
 上言願益田卒上與趙充國等議欲因匈奴  
 衰弱擊其右地使不敢復擾西域魏相諫曰  
 臣聞救亂誅暴謂之義兵兵義者王敵加於  
 已不得已而起者謂之應兵兵應者勝爭恨  
 小故不忍憤怒者謂之忿兵兵忿者敗利人  
 土地貨寶者謂之貪兵兵貪者破恃國家之  
 大矜民人之眾欲見威於敵者謂之驕兵兵  
 驕者滅此五者非但人事乃天道也間者匈  
 奴嘗有善意所得漢民輒奉歸之未有犯於  
 邊境雖爭屯田車師不足致意中今聞諸將  
 軍欲興兵入其地臣愚不知此兵何名者也  
 今邊郡困乏難以動兵軍旅之後必有凶年  
 言民以其愁苦之氣傷陰陽之和也出兵雖

似未可  
 已

勝猶有後憂今守相多不實選風俗尤薄水  
 旱不時按今年計子弟殺父兄妻殺夫者凡  
 二百二十二人臣愚以為此非小變也今左  
 右不憂此乃欲報纖介之忿於遠夷殆孔子  
 所謂吾恐季孫之憂不在顓臾而在蕭牆之  
 內也上乃遣常惠將騎往車師迎鄭吉吏士  
 還渠犂遂以車師故地與匈奴相好觀漢故  
 事數條漢興已來國家便宜行事及賈誼鼂  
 錯董仲舒等所言奏請施行之救掾史按事  
 郡國及休告還府輒白四方異聞或有逆賊  
 災變郡不上相輒奏言  
 之與丙吉同心輔政

**集覽**

右地注見武帝  
 天漢三年見威

見音現顯示之也不在顓臾而在蕭牆顓臾  
 魯附庸國季氏恐為子孫憂欲伐之孔子說



所憂者不在彼而在此言恐內變將作也其  
後家臣陽虎果囚季桓子鄭氏曰蕭之言蕭  
也墻屏也人臣至此加肅敬焉爾雅翼云周  
人炳蕭使臭陽達於墻屋故曰蕭墻數條屬  
下句數頻也顏師古曰凡言條者一一而疏  
舉之若木條焉休告李斐曰休謁之名吉日  
告凶曰寧孟康曰古者名吏休假曰告  
顏師古曰告者請謁之言謂請休耳

**發明**

匈奴擾車師田者自常情觀之興兵  
誅討可也魏相深見遠識諫而止之  
書詔鄭吉還屯渠犂則戢兵保民之美可  
勝既哉未幾匈奴衰弱終於臣服則車師  
早之地果何關於  
勝敗之數乎

### 以蕭望之為左馮翊

帝以蕭望之經明持重論議有餘材任宰相  
欲詳試其政事復以為左馮翊望之從少府  
出為左遷即移病上使侍中諭意曰所用皆  
更治民以考功君前為平原太守日淺故復  
試之於三輔非有所集覽翊郡太守左遷諸  
侯王表左官之律韋昭以為左猶下  
也漢法地道尊右故謂貶秩為左遷

### 戊午 三年春三月封故昌邑王賀為海昏侯

上心忌故昌邑王賀賜山陽太守張敞璽書  
令謹備盜賊毋下所賜書敞於是條奏賀居



處衣服言語跪起清狂不惠以著其廢

**書法**

亡之效上乃知賀不足忌封為海昏侯

一統志云海昏漢之縣名屬豫章郡東漢置

建昌縣晉以海昏縣省入仍屬豫章隋屬洪

州唐初於縣置南昌州尋廢州為縣仍屬洪

州宋屬南康軍元陞為建昌州本朝復改

為縣屬南康府故城在縣北六十里漢

廢昌邑王為海昏侯就國築城於此

**書法**於是帝即位十一年矣而賀尚

存漢之俗猶厚也故書予之

**封丙吉等為列侯故人阿保賜物有差**

丙吉為人深厚不伐善自曾孫遭遇絕口不

道前恩會掖庭宮婢自陳嘗有阿保之功辭

引使者丙吉知狀上親見問然後知吉有舊

恩而終不言大賢之初張賀嘗為弟安世稱

皇曾孫之材美及徵怪安世輒絕止以為少

主在上不空稱述曾孫及帝即位而賀已死

**書法**

正編



聞有詔令，乃驚使吏之丞相府問焉。自朝廷大臣莫知其與議也。嘗有所薦，其人來謝，安世大恨，以為舉賢達能，豈有私謝邪？絕弗復為通。有郎功高不調，自言安世曰：君之功高，明主所知，人臣執事何短長？而自言乎？絕不許。已而郎果遷。  
**集覽** 自會孫帝武帝曾孫也。征和二年遭巫蠱事，繫獄時丙吉治獄，武帝以獄中有天子氣，遣使欲殺之。丙吉閉門不納，獲免。故云遭遇阿保之功。有阿依保護之恩，知狀句絕謂丙吉知此情狀。徵惟徵知陵反，杜預曰：徵始有形象而徵也。惟通作怪異也。奇也。故人下至郡邸獄復作自故舊已下至于在郡邸獄中復役工作之人有恩者各以深淺報之。  
**正誤** 自會

孫遭遇今按曾孫時雖獲免，未為遭遇。當指掖庭養視屬籍宗正以後事。故人下至郡邸獄復作。今按漢書宣帝號皇曾孫生數月，遭巫蠱事，收繫郡邸獄。丙吉為廷尉監，憐曾孫亡辜，使女徒復作。趙徵卿胡組更乳養，私給飲食，視遇甚有恩。註諸郡邸置獄治天下郡國上計者，此蓋巫蠱獄繫，故曾孫寄在郡邸獄。復音服，謂弛刑徒也。有詔赦去其鉗鈇赭衣，更犯事，不從徒，加與民為例。故當復為官作，滿其本罪。年月日律名為復作。

**書法**

推恩阿保始此，然賜物而已，未封也。自是而後有封君者，延光二年安帝

王聖陽嘉二年順帝宋娥有封其子者，永興二年桓帝馬惠子初其卒也。至號為皇



太后宋壬申年魏主燾實氏癸巳年魏濬常氏甚哉

夏六月立子欽為淮陽王

**質實**

淮陽國名注見周赧王三十七

年陳州

**書法**

宣帝封立不悉書據楚東平中山不書書欽何帝所愛欲立為太子者也

故謹志之

○疏廣疏受請老賜金遣歸

皇太子年十二通論語孝經太傅疏廣謂少傳受曰吾聞知足不辱知止不殆今宦成名

退

立如此不去懼有後悔即日俱移病上疏乞骸骨上皆許之加賜黃金二十斤皇太子贈以五十斤公卿故人設祖道供帳東都門外送者車數百兩道路觀者皆曰賢哉二大夫或歎息為之下泣廣受歸鄉里日令其家賣金共具請族人故舊賓客與相娛樂或勸以為子孫立產業者廣曰吾豈老諄不念子孫哉顧自有舊田廬令子孫勤力其中足以共衣食與凡人齊今復增益之以為贏餘但教子孫怠惰耳賢而多財則損其志愚而多財則益其過且夫富者眾之怨也吾既無以教化子孫不欲益其過而生怨又此金者聖主所以惠養老臣也故樂與鄉黨宗族共饗其賜以盡吾餘日不亦可乎於是族人悅服胡



賢

通鑑綱目卷之五

氏曰以宦成名立為榮而求免於危辱此非君子之高致而疏廣甘以自居何也曰此廣所以加人數等而古今未之知也太子年既十二其資質志趣已可槩見觀其親政之時年二十七而猶不省召致廷尉為下獄以至再屈師傅於牢獄而卒殺之則其憤憤有素疏廣矚之已熟知其不可扶持而教詔也審矣是以決意去之觀其語曰不去懼有後悔則其微意可見矣易曰君子見幾而作疏廣有焉

**集覽**

祖道供帳祖道注見武帝

對反心亂也矚之矚音古覓反視也

**書法**

前稱兄子受矣此其不稱兄子何不

高節故並書之書賜金遣歸榮之也終綱目書請老一而已書賜金三、是年元康四

年唐太宗貞觀七年皆予辭也

**發明**

前書丞相賢致仕由漢以來固未嘗有然猶曰仕至上公老病而去云爾

至疏廣疏受方傳儲君乃亦勇於請老何哉在禮大夫七十致仕乃理之常漢廷諸臣知進而不知退戮死相望儻皆能如二子見幾而作何至不保其身哉賜金遣歸

通鑑綱目

卷之五

漢宣皇帝元康三年

正編

正編



進退

能

特書于冊  
蓋予之也

### 以潁川太守黃霸守京兆尹尋罷歸故官

黃霸為潁川太守使郵亭鄉官皆畜雞豚以贍鰥寡貧窮者為條教行之民間勸以為善防姦及務耕桑節用殖財種樹畜養初若煩碎然精力能推行之吏民見者語次尋繹問他陰伏以相參考聰明識事吏民不敢有所欺姦人去入他郡盜賊日少霸力行教化而後誅罰務在成就全安長吏曰數易長吏送故迎新之費及奸吏因緣絕簿書盜財物公私費耗甚多皆當出於民所易新吏又未必賢或不如其故徒相益為亂凡治道去其泰

此等事亦  
虛有文具  
不待入相  
功名損於  
治部也  
武帝沈命  
宣帝戶口  
皆作法于  
涼尤交彌  
甚

安民

教

巳未 四年春正月詔年八十以上非誣告殺傷人

### 勿坐○右扶風尹翁歸卒

翁歸卒家無餘財詔曰翁歸廉平鄉正治民異等其賜翁歸子黃金百斤以奉祭祀

集

甚者耳。霸以外寬內明得吏民心。戶口歲增。治為天下第一。徵守京兆尹。尋坐法貶秩。詔復歸潁川為太守。郵亭顏師古曰傳送以八百石居官。集覽文書所止處如今驛館鄉官鄉所治處也。語次尋繹問他陰伏。因語話之次。按尋紬繹。雖其他陰伏之事。亦問而知之。因緣絕簿書盜財物姦欺之吏。因交代之際。棄匿簿書盜去官物。

漢宣皇帝元康四年 正編



**覽** 鄉正鄉與  
嚮通趣也

**書法** 三輔未有書卒者卒翁  
歸錄賢也異韓趙矣

主德  
求高祖功臣子孫失侯者賜金復其家。**考異** 祖當

帝作

凡三百  
十六人

**書法** 賜金與復耳何以書嘉念功也書錄  
功臣後始此終綱目書錄功臣後六

是年成帝永始元年平帝元始二年章帝  
建初七年安帝永初六年桓帝延熹二年

立廟圖畫不與焉宣帝甘露三年明帝永  
平二年後主炎興元年唐太宗貞觀十七  
年

大司馬衛將軍富平侯張安世卒。**質實** 富平縣  
名注見

光武建  
武五年

謚曰  
敬

以韋玄成為河南太守。**質實** 韋玄成平陵  
人賢之子

初扶陽節侯韋賢薨長子弘有罪繫獄家人  
矯賢令以次子玄成為後玄成深知其非賢

通鑑綱目

漢宣皇帝元康四年

正編

正編



雅意卽佯狂不應召大鴻臚奏狀章下丞相御史案驗玄成友人侍郎章亦上疏言聖王貴以禮讓爲國宜優養玄成勿枉其志使得自安衡門之下而丞相御史遂以玄成實不病劾奏之有詔勿劾引拜玄成不得已受爵帝高其節以爲河南太守

**集覽**

衡門

陳國風詩衡門之下可以棲遲毛萇傳云衡門如字衡橫也沈云此古文橫字衡門橫木爲門言淺陋也文公集傳曰門之深者有阿塾堂宇此惟橫木爲之

**質實**

一統志云扶陽漢之縣名屬沛郡東漢省之韋賢之後封侯卽此故城在徐州蕭縣西南六十五里

備邊

### 遣光祿大夫義渠安國行邊兵

初武帝開河西四郡隔絕羌與匈奴相通之路斥逐諸羌不使居湟中及帝卽位義渠安國使行諸羌先零豪言願時度湟水北逐民所不田處畜牧安國以聞後將軍趙充國劾安國奉使不敬是後羌人旁緣前言抵冒度湟水郡縣不能禁旣而先零與諸羌解仇交質上以問充國對曰羌人所以易制者以其種自有豪數相攻擊執不壹也往西羌反時亦先解仇合約然羌執不能獨造比聞匈奴數誘羌人欲與之共擊張掖酒泉地疑其遣使至羌中與相結羌乃解仇作約到秋馬肥變必起矣宜遣使者行邊兵豫爲備敕視諸





羌毋令解仇以發覺其謀。**集覽**河西四郡酒泉武威張掖

於是兩府復白遣安國。燉煌皆河西之地。羌說文羌西方牧羊人也。續漢書云羌本三苗姜姓之別裔。今河關之

西南羌是也。湟中地理志湟水出金城郡臨

羌縣塞外。至允吾東入河。一名樂多水。本小

月氏胡所居。按允吾縣名屬金城郡。允音鈴

吾音牙。義渠安國使行諸羌。義渠本西戎種

名。後因以為姓。安國名也。後書西羌傳涇北

有義渠之戎。使行並去聲。奉使巡行諸羌之

地也。諸羌按漢書注羌有百五十四種。散處

三河。先零西羌種名也。先音銑。零音憐。抵冒

度湟水。抵觸冒犯而前度。交質如左。傳王子

狐為質於鄭。鄭公子忽為質於周。是也。質音

致。**正誤**先零今按漢書先字。無音只作如字讀。

**質實**一統志云湟中古西羌所居之地。名漢置破羌縣屬金城郡。東漢

置西平郡。晉末為禿髮烏孤所據。後魏置鄯

州。後周改置樂都郡。隋初郡廢置鄯州。大業

初廢州。置西平郡。唐因之。治湟水縣。上元間

沒於吐蕃。號青唐城。宋收復。置鄯州。尋改西

寧州。元屬亦集乃路。本朝置西寧衛。屬陝

西行都指揮使司。湟水在臨洮府蘭縣西一

百八十里。一名金城河。一名河水源。出大小

榆谷之北。與洮

水浩疊河水合。







